

四庫全書

史部

欽定四庫全書

史部

六朝事迹編類卷上

詳校官鴻臚寺少卿臣梁景陽

編修臣程嘉謨覆勘

總校官原任中允臣王燕緒

校對官主簿臣汪日贊

謄錄貢生臣李玉瓚

欽定四庫全書

史部十一

六朝事迹編類

地理類八 雜記之屬

提要

臣等謹案六朝事迹編類二卷宋張敦頤撰

敦頤字養正婺源人紹興八年進士與朱松友善由南劍州教授歷官至舒衡二州致仕所著有韓柳文音辨編年諸書尚傳于世是編前有紹興庚辰自序結銜稱左奉議郎充

江南東路安撫司幹辦公事乃登第後之二十二年也其書蓋補金陵圖經而作首總敘次形勢次城闕次樓臺次江河次山岡次宅舍次識記次靈異次神仙次寺院次廟宇次墳陵次碑刻凡十四門徵引頗為詳博而碑刻一門尤有資于考據惟書以六朝為名而古迹之中自南唐以逮北宋如丁謂王安石所建亦具載之殊失斷限至總叙門內六朝

保守一篇厯數自吳以來南朝不可北伐北  
伐必敗即倖勝亦不能守蓋亦南渡之初力  
主和議者其識見未免卑懦然考諸事勢其  
說亦不為無因固與江東十鑑之虛誇形勝  
者較為切實矣乾隆四十四年五月恭校上

總纂官

臣紀昀臣陸錫熊臣孫士毅

總校官臣陸費墀



# 六朝事迹編類序

建康禹貢揚州之域斗牛分野在周為吳在春秋末為

越

魯哀公二十二年  
越王句踐滅吳

自越之後一百四十年為楚

周顯王三

十六年  
楚滅越

自楚之後一百一十年為秦

楚負芻五年為秦  
所滅乃周赧王時

也初楚威王因山立號置金陵邑

或云以此有王氣因  
埋金以鎮之或云地

接金陵之陵故謂之  
金陵今石頭城是也

及秦兼諸侯分天下為三十六郡

以金陵屬鄣郡

故鄣屬今  
吳興郡也

時望氣者云五百年後金陵

有天子氣始皇東巡乃鑿鍾阜斷金陵長隴以通流改

其邑為秣陵縣

秦秣陵縣在今府城東南六十里秣陵橋東北

漢武帝元封初

廢鄣郡置丹陽而秣陵縣不改初漢置揚州治無定所

輿地志云先理歷陽後理壽春其後又徙曲阿漢建安

十六年孫權自京口徙治秣陵明年城石頭改秣陵為

建鄴晉太康初廢建鄴復為秣陵愍帝諱業即改為建

康元帝即位以建康太守為丹陽尹宋齊而下咸都於

此焉隋平陳廢丹陽郡乃于石城置蔣州併秣陵建康

同夏三縣入江寧縣唐武德二年為揚州東南道行臺



置尚書省輔公柘據江東七年平又改為蔣州八年罷  
行臺稱揚州大都督府領上元金陵句容丹陽溧水等  
縣九年移揚州治江都改金陵為白下縣屬潤州貞觀  
七年復為揚州乾元元年改為昇州上元二年廢光啓  
三年復仍以上元句容溧水溧陽四縣隸之置節度使  
天祐四年楊行密據其地為金陵府號曰齊國封李昇  
為齊王以建康為西都以廣陵為東都昇僭位國號唐  
皇朝開寶八年復為昇州天禧二年改江寧府建炎三

序  
年改建康府此金陵郡之升降廢置之不常也余因覽  
圖經實錄疑所載六朝事迹尚有脫誤乃取吳志晉書  
及宋齊而下史傳與夫當時之碑記叅訂而攷之分門  
編類綴為篇目凡十有四卷雖猥陋無益於治道然展  
卷則三百餘年興衰之迹若身履乎其間非徒得之于傳  
聞而已同志之士盍補其所未備者而傳之紹興歲次  
庚辰八月左奉議郎充江南東路安撫司幹辦公事新  
安張敦頤序

欽定四庫全書

六朝事迹編類卷上

宋

張敦頤撰

總叙門第一

六朝興廢

吳

大帝

即位在魏太和中七年壬寅歲

權字仲謀姓孫氏吳郡富春人堅之次子兄為吳侯將死以事授之破曹操於赤壁襲關羽於荊州黃武元年

四月即位在位三十一年年七十一葬蔣陵

年號

黃武

七

黃龍

三

嘉禾

六

赤烏

十三

太元

二

會稽王

即位  
在魏嘉平四年壬申歲

權少子諱亮字子明母潘氏權薨即位至太平三年謀誅大將軍孫綝不克綝黜亮為會稽王永安三年孫休鵠殺之在位七年

年號

神鳳 二

五鳳 二

太平 三

景帝

即位  
在魏甘露四年戊寅歲

權第六子諱休字子烈母王氏亮廢孫緄迎休即帝位緄  
典禁兵謀逆休因臘受賀縛而殺之永安七年七月休  
薨在位七年

年號

永安 七

歸命侯

即位在魏咸熙二年甲申歲

權廢太子和之子諱皓字元宗母何氏休薨丞相楊興大將軍張布說太后朱氏迎皓即帝位皓既得志驕淫羆暴誅興布殺景后天紀四年晉遣王濬舟師至建鄴之石頭皓降之舉家西遷晉太康元年詔賜歸命侯越五年死在位十七年年四十三

年號

元興一

甘露

寶鼎三

建衡三

鳳凰二 天冊一 天璽一 天紀五

右吳四主共六十二年

吳初都鄂後遷建業傳世四東據江南盡海置交

龍理

編今安南府

廣

理番禺今廣州

荆

理南郡今江陵

郢

理江夏今鄂州

四州有州四

十二以建平

歸州

西陵

陝州陸遜陸抗鎮守

樂郡

江陵松滋縣東

南郡

江陵

巴丘

岳州魯肅孫皓鎮守

夏口

鄂州

武昌

縣

皖城

舒州

濡須塢

和州

牛渚圻

宣州

為重鎮後得沔口邾城

黃州

廣陵自孫權破

曹操於赤壁之後時劉璋牧益州周瑜請於權曰乞

與奮威俱進取蜀而并張魯還與將軍據襄陽以蹙操北方可圖也

東晉

繼西晉

元帝

諱睿字景文姓司馬氏西晉宣帝懿之曾孫琅玕恭王  
覲之子母恭王妃夏侯氏妃通小吏牛氏生元帝故元  
石圖有牛在馬後初嗣父位永嘉初用王導計鎮建鄴  
西都不守承制改元稱王愍帝崩凶問至遂即位

元年  
丁丑金



德都建康帝性簡儉初拜貴人有司請市雀釵帝以煩  
廢不許所幸鄭夫人衣無文綵永昌元年崩在位六年  
年四十七葬建平陵廟號中宗

年號

建武一 太興四 永昌一

明帝

元帝長子諱紹字道徽母荀氏元帝貴人永昌元年閏  
十一月即帝位

元年  
癸未

太寧二年王敦舉兵內向帝乘巴

滇多年切駿馬微行觀敦營壘敦夢日環其城驚曰此必

鮮卑奴來帝狀類外氏鬚黃故云秋七月敦水陸五萬  
至于南岸帝擊破之敦憤惋而死三年閏八月帝崩在  
位三年年二十七葬武平陵

年號

太寧三

成帝

明帝長子諱衍字世根母庾氏明帝崩帝即位年五歲

中書令庾亮輔政

元年丙戌

咸和三年蘇峻作亂遷帝于石

頭陶侃攻殺峻賊黨立峻弟逸為帥滕含敗逸奉御于  
溫嶠舟已而造新宮遷之咸康八年六月崩在位十七  
年年二十二葬興平陵

年號

咸和

九

咸康

八

康帝

成帝母弟諱岳字世同咸康八年六月即位

元年癸卯

建元

三年九月崩在位三年年二十三葬崇平陵

年號

建元三

穆帝

康帝子諱聃字彭祖母褚氏康帝崩帝即位年二歲褚

后臨朝

元年  
乙巳

升平五年崩在位十七年年十九葬永平

陵

年號

永和十二  
升平五

哀帝

成帝長子諱丕字千齡所生母周氏穆帝崩帝即位

元

壬戌雅好黃老辟穀餌藥遂中毒不識萬機興寧三年崩  
在位四年年二十五葬安平陵

年號

隆和  
興寧三

廢帝

哀帝母弟諱奕字延齡哀帝崩無嗣皇太后迎帝即位  
元年桓溫欲立威權憚帝守道誣以牀第廢為東海王  
丙寅又為海西公安于屈辱太元十一年崩在位六年年四  
十五葬安平陵

年號

太和六

簡文帝

元帝少子諱昱字道萬所生母鄭氏廢帝廢皇太后詔

統皇極咸安元年十一月即位

元年  
辛未

二年崩年五十三

葬高平陵

年號

咸安 二

孝武帝

簡文帝第三子諱曜字昌明所生母李氏咸安二年即

位

元年  
癸酉

帝溺於酒色長星見心甚惡之於華林舉酒曰

長星勸汝一杯酒自古何嘗有萬歲天子邪初簡文帝

見識云晉祚盡昌明及李太后有身夢神人謂曰汝生男宜字昌明及產東方始明因以為名簡文後悟乃流涕時帝戲所寵張貴人以年幾三十當廢貴人潛怒向夕帝醉遂暴崩在位二十四年年三十五

年號

寧康

三

太元

二十一

安帝

孝武帝長子諱德宗字德宗所生母陳氏武帝淑媛太



元二十一年即位

元年  
丁酉

元興三年靈寶逼帝西上後復

逼東下督護馮遷斬靈寶帝反正于江陵義熙十四年

十二月崩在位二十二年年三十七葬休平陵初識云

昌明之後有二帝劉裕將為禪代密使王韶之縊帝而

立恭帝以應二帝云

年號

隆安

五

元興

三

義熙

十四

恭帝

安帝母弟諱德文安帝崩劉裕矯詔立帝

元年  
巳未

元熙二

年六月禪位於裕裕以帝為零陵王居秣陵二年裕使人踰垣弑帝在位二年年三十六謚恭帝葬冲平陵

年號

元熙二

右江左十一帝都建康共一百六年

劉聰既弑愍帝元帝即位遷都建康號曰東晉傳世  
凡十有一爰自永嘉南渡境宇殊狹禹貢九州之地

僅有其二元帝初命祖逖鎮雍丘

今東京

逖死北境漸

蹙于是荆豫

自淮北蔡潁濟等州以北

青兗四州

登萊密海濶齊州是

及徐

州之半

徐沂等州

陷劉曜石勒以合肥

今廬州

淮陰

今楚州

壽

陽

石季龍死後復之今壽州

泗口

在今泗州

角城

在泗

為重鎮成帝時鄴

守將退屯襄陽

今穀城縣

穆帝時平蜀漢

擒李勢

復梁益之

地又遣軍西伐入關至灊上

討苻健

再北伐一至洛陽

討慕容島破其將姚襄于伊水

一至枋頭

衛州

所得郡縣軍旋又失去

洎苻堅東平慕容暉西南陷蜀漢西克姑臧

涼州

則漢

水長淮以北悉為堅有及堅敗再復梁益青徐兗荆  
河內之地其後青兗陷于慕容德荆河司陷于姚興  
以彭城為北境藩扞後梁益又陷于譙縱義熙初陷每因  
劉石苻姚衰亂之際則進兵屯戍在于漢中襄陽彭  
城然大抵上明今江陵松滋縣江陵夏口武昌合肥壽陽淮  
陰常為晉氏鎮守義熙以後又復青兗司荆河梁益  
之地而政移于劉氏之宋矣

南朝宋

繼東晉

宋武帝

高祖武帝劉裕字德興小字寄奴彭城人楚元王交二十一世孫父翹郡功曹母穆氏元熙二年十二月晉恭

帝禪位帝表讓至永初元年夏六月丁卯即位改元

元年

庚申都建康傳世凡八帝以儉德先天下碎虎魄枕施直

脚牀却入筒布用葛燈籠三年五月己亥崩于西殿在位三年年六十七葬蔣山初寧陵廟號高祖

年號

永初三

少帝

武帝長子諱義符小字車兵母張夫人永初三年夏五

月癸亥以皇太子即帝位

元年癸亥

景平二年夏五月己酉

皇太后令暴其過惡廢為營陽王六月癸丑徐羨之等

弒帝于金昌亭在位二年年十九

年號

景平二

文帝

武帝第三子諱義隆小字車兒母胡婕妤少帝廢徐羨之等迎立元嘉元年秋八月丁酉即帝位

元年甲子

三十年

二月甲子為元凶太子劭所弑在位三十年年四十七

葬長寧陵廟號太祖

年號

元嘉

三十

孝武

文帝第三子諱駿字休龍母路淑媛殺元凶劬自立元

年

甲元嘉三十年四月辛酉即皇帝位于新亭帝少機穎

讀書七行俱下才藻甚美大明八年夏五月庚申崩在

位十一年年三十五葬秣陵巖山景寧陵廟號世祖

年號

孝建 三 大明 八

前廢帝

孝武帝長子諱子業小字法師大明八年閏五月庚午以



皇太子即帝位

元年甲辰

帝自以昔在東宮時不為孝武所

禮及即位將掘景寧陵太史言於帝不利乃縱糞于陵

肆罵孝武為臚

壯加切

奴又發殷貴妃墓十一月帝左右

壽寂之等謀廢帝懷刀入宮弑之乃崩于華光殿在位

一年年十七葬丹陽秣陵

年號

景和

一〇正月乙未改永光

明帝

文帝第十一子諱或字休炳母沈婕妤泰始元年冬十

二月丙寅即帝位

元平  
乙巳

泰豫元年夏四月己亥崩于景

福殿在位八年年三十四五月戊寅葬臨沂縣幕府山

高寧陵廟號太宗

年號

泰始

七

泰豫

一

後廢帝

明帝長子名昱字德融母陳氏李道兒妾人呼李氏子

明帝崩以皇太子即帝位

元年癸丑

孝武二十八子明帝殺

其十六餘皆帝殺之元徽五年七月七夕楊玉夫等入  
氈幄內弑帝于仁壽殿年十五葬秣陵

年號

元徽

五

順帝

明帝第三子諱準字仲謨蕭道成奉太后令迎立昇明  
元年七月壬辰即帝位

元年丁巳

改元徽五年為昇明元年

三年四月壬辰禪位于齊齊封為汝陰王建元元年五月己未殺之葬于遂寧陵

年號

昇明三

右劉宋八帝共六十年

宋武帝北平廣固

慕容超廣固今青州

西定梁益

譙縱

又克長安

姚泓

盡得河南之地長安尋為赫連勃勃所陷至廢帝

景和中武牢西復陷後魏今大較以孝武大明為正

凡二十有二州揚理建業

今建康

南徐理京口

今丹徒縣

徐理彭城

今徐州

南兗理廣陵

今揚州

兗理瑕丘

今兗州縣

理歷陽

今和州

豫理汝南

今汝陽縣

江理潯陽

今江州

青理

臨淄

初理歷城復理廣固後又移理臨淄今青州縣

冀理歷城

今濟州縣

司理義

陽

今信陽

荆理南郡

今江陵府

郢理江夏

今鄂州

湘理臨湘

今潭陽

雍理襄陽

今襄州

梁理南鄭

今興元府

秦亦理南鄭益

理成都

今府

寧理建寧

今姚州

廣理南海

今廣州

交理龍編

今安南府

越理臨漳

今廉州

郡凡二百三十八縣千一百七

十九文帝元嘉中遣將北伐水軍入河克魏碣磔滑

臺

今滑州

武牢

今河南

洛陽

今西京

四城其後又失又分軍

北伐西軍克洪農開方二城以東攻滑臺不克而平

碣磔守之尋皆敗退於是後魏太武總師經彭城臨

江屯於瓜步

揚州

退攻盱眙

今楚州

不拔而還明帝時後

魏又南侵淮北冀徐兗四州又荊河州西境悉陷沒

則長淮為北境僑徐兗於淮南

淮陰立兗州淮陰今楚州鍾離立徐州鍾

離今濠州

立青冀二州寄理贛榆

今海州東海縣

其後十餘年而

滅亡然初強盛也南鄭襄陽垂甌

今在蔡州形若瓠垂故名

彭城

歷城東陽

今青州益陽縣

皆為宋氏藩扞

南齊

繼宋

高帝

蕭氏諱道成字紹伯蘭陵人漢蕭何二十四世孫建元

元年夏四月甲午受宋禪即帝位於南郊

元年己未

都建康

傳世凡七帝性簡儉後宮器物欄檻以銅為飾皆改用

鐵內殿施黃紗帳宮人著紫皮履華蓋除金華瓜用鐵

回釘每曰使我臨天下十年當使黃金與土同價四年三月壬戌崩于臨光殿在位四年年五十六葬于武進泰安陵廟號太祖

年號

建元四

武帝

高帝長子諱躋字宣遠建元四年三月壬戌以皇太子

即帝位

元年  
癸亥

明年正月辛亥改元永明帝性剛毅有斷



政揔大體以富國為先不喜遊宴雕綺之事言常恨之  
未能頓遣永明十一年七月戊寅崩于延昌殿在位十  
一年年五十四葬景安陵廟號世祖

年號

永明

十一

廢帝鬱林王

武帝孫文惠太子長子諱昭業字元尚小字法身永明  
十一年戊寅武帝崩以皇太孫即帝位

元年甲戌

帝淫亂賞

賜左右動至百數十萬每見錢曰我昔思汝一箇不得  
今日得用汝未西昌侯鸞屢諫不聽帝欲誅鸞鸞使蕭  
諶等領兵入宮弑之在位一年年二十二

年號

隆昌一

廢帝海陵王

文惠太子第二子諱昭文字季尚鬱林王廢延興元年  
秋七月丁酉即皇帝位時宣城王鸞輔政帝起居皆諮

而後行十月辛亥皇太后使宣城王入纂帝統令廢帝  
為海陵王建武元年冬十月鸞遣御師殞之

年號

延興

明皇帝

始安貞王子諱鸞字景棲海陵王廢太后以帝纂統建

武元年十月癸亥即帝位

元年  
乙亥

永泰元年七月己酉帝

崩于正福殿在位五年年四十七

年號

建武四

永泰一

廢帝東昏侯

明帝第二子諱寶卷字智藏永泰元年七月己酉以皇

太子即帝位

元年己卯

帝惑于潘妃為神仙等殿極奢麗又

鑿金為蓮花以帖地令潘妃行其上曰此步步生蓮花

也永元三年秋七月蕭衍至南豫州帝閉宮門自守十

二月王珍國張稷率兵入殿弑帝斬首送蕭衍在位三

年年十九

年號

永元三

和帝

明帝第八子諱寶融字智昭中興元年三月乙巳即皇

帝位

元年辛巳

二年遜位于梁梁奉帝為巴陵王宮于姑孰

四月戊辰殂追尊為和帝在位二年年十五葬恭安陵

年號

中興二

右齊七帝共二十四年

南齊淮北之地所有絕少青州理朐山

今海州縣

冀理渦

口

今泗州臨淮縣

荆河理壽春

今壽州

北兗理淮陰

今楚州

北徐

理鍾離

今濠州

又置巴東理巴州

今夔州

其餘州郡悉因

前代州凡二十有三郡三百九十五縣千四百七十

四其後頗為後魏所侵至東昏永光初河北諸郡相

繼敗沒

今鄧州地

又遣軍北伐敗于圍馬屯盆城

今鄧州界

又

失壽春後三年齊亡始全盛也南鄭

今興元府樊城

今襄陽

漢縣襄陽

今襄陽

義陽

今信陽

壽春

今壽州

淮陰

今楚州

角城

今泗

州臨淮縣東南連口

今泗州連水縣北

朐山

今海州縣

悉為重鎮

梁繼齊

武皇帝

蕭氏諱衍字叔達蘭陵人父為丹陽尹母張氏中興二

年三月壬午齊禪位于梁天監元年夏四月丙寅帝以

梁王即帝位

元年壬午

都建康傳世凡四帝生而有異光狀

貌殊特有文在手曰武帝初為兒時能踏空而行及長  
博學有文武才幹性溺于釋教郊廟牲牷皆代以麴宗  
廟薦羞始用菽粟幸同泰寺鑄十萬斤銅像幸阿育王  
寺設無礙法喜會設四部無遮會講金字三慧經三度  
捨身羣臣以錢億萬贖帝請臨宸極三請乃許太清三  
年五月丙辰侯景舉兵攻陷宮城帝憂懼寢痾崩于淨  
居殿在位四十八年年八十六葬于修陵廟號高祖

年號



天監<sup>十八</sup> 普通<sup>七</sup> 大通<sup>二</sup> 中大通<sup>六</sup>

大同<sup>十一</sup> 中大同<sup>一</sup> 太清<sup>三</sup>

簡文帝

武帝第三子諱綱字世讚母穆貴妃太清三年五月辛

巳以皇太子即帝位<sup>元年</sup>大寶元年十月乙未侯景逼

帝幸西川使彭雋等進觴與帝極飲帝醉寢雋以土囊

壓之帝崩在位二年年四十九葬莊陵廟號太宗

年號

大寶二

元帝

武帝第七子諱繹字世誠母阮采女承聖元年三月王

僧辯等平侯景傳首江陵十一月丙午即帝位江陵

元年

壬申先是魏使宇文仁恕來聘帝接遇有闕魏相安定公

憾之三年十一月魏軍至柵下大攻帝出枕杷門親臨

督戰兵敗見執十二月魏軍殺之帝在位三年年四十

七明年四月梁王方智承制追尊為元帝廟號世祖葬

穎寧陵

年號

承聖

三

敬帝

元帝第九子諱方智字惠相母夏貴妃承聖三年七月  
辛丑王僧辯納負陽侯蕭明自采石渡江入建鄴丙午  
即偽位司空陳霸先殺王僧辯黜蕭明而奉帝紹泰元  
年九月丙午即帝位

元年  
乙亥

太平二年十月遜位于陳陳

奉帝為江陰王薨在位三年年十六追諡敬皇帝

年號

紹泰一 太平二

右梁四主共五十六年

梁氏州郡多沿舊制天監中有州二十有三郡三百五

十縣千二十有二其後更有析置大同中州一百七

郡縣亦稱此初武帝受禪數年即失漢州及淮西之

地

梁州刺史夏侯道降後魏  
魏將元英○義陽今中州

其後諸將頻年與魏軍

交戰于淮南淮北互有勝負雖得瓠城俄而又失又

克壽春中大通初大舉北伐淮北城鎮相次克平直

至洛陽暫為梁有其後諸將又復漢中

自天監二年失漢川凡經

四十三  
年克復

至侯景

東魏將

以河南地降逆亂相尋有名無

實及景平後江北之地悉陷高齊漢川蜀沒于西魏

太清初侯景以十三州來降旋為東魏將慕容紹宗所敗二年景又圍建康陷之承聖初齊將辛術南伐

盡得淮南江北之地得傳國璽反于齊三年西魏將達奚武陷漢川尉遲迴陷蜀川其漢川經九年而復

大抵雍州

今襄州地

下差

側駕反音差

戊

今隨州棗陽縣

夏口

今鄂州

白

苟堆

今蔡州真陽縣

破石城

今潁州地

合肥鍾離淮陰朐山為重鎮

陳

繼梁

武皇帝

陳氏諱霸先字興國吳興人都建康傳世凡五帝所出  
甚微初仕鄉為里司又為油庫吏後仕梁為陳王太平  
二年十月辛未梁敬帝禪位永定元年冬十月乙亥即  
帝位于南郊柴燎告天

元年丁丑

帝雄武多英畧性甚仁愛

初平侯景及立敬帝子女玉帛皆班將士三年六月丙

千崩于璿璣殿在位三年年五十七葬萬安陵廟號高祖

年號

永定 三

文皇帝

武帝兄始興昭烈王之長子諱蒨字子華永定三年六

月丙午即皇帝位

元年庚辰

帝少沈敏有識量美容儀留意

經史武帝甚愛之常稱吾家英秀初起自布衣知百姓

疾苦每雞人伺漏傳籤於殿中者令投籤于堦石上鎗  
然有聲云吾雖得眠亦令驚覺天康元年夏四月癸酉  
崩于有覺殿在位七年年若干葬永寧陵廟號世祖

年號

天嘉

六

天康

一

廢帝

文帝長子諱伯宗字奉業母沈氏天康元年夏四月癸  
酉以皇太子即帝位

元年  
丁亥

帝性仁弱刑政皆歸冢宰故



光大二年冬十月甲寅宣太后令廢為臨海王太建  
二年四月乙卯薨在位二年年十九

年號

光大二

宣帝

始興昭烈王第二子諱頊字紹世小字師利太后既黜

廢帝以帝入繼皇統

元年  
已丑

太建元年春正月甲午即帝

位十二年九月癸未夜天東南有聲如風水相激十四

年正月甲寅崩于宣福殿在位十四年年五十三葬顯  
寧陵諡孝宣廟號高宗

年號

太建十四

後主

宣帝長子諱叔寶字元秀小字黃奴母柳氏太建十四

年正月丁巳以皇太子即帝位

元年  
癸卯

帝荒于酒色不恤

政事常使張麗華孔貴妃等八人夾坐江總孔範等十

人預宴號為狎客是年秋自建鄴至荊州江水色赤如  
血天外有如風水相激之聲帝設會捨身大赦天下禎  
明三年正月隋將賀若弼韓擒虎進軍宮城帝逃于井  
中以繩引之而出至京師見宥隋仁壽四年十一月壬  
子終于洛陽在位七年年五十二贈大將軍封長城縣  
公諡煬葬河南洛陽之芒山

年號

至德

四

禎明

三

右陳五主共三十三年

陳氏土宇彌蹙于梁西不得梁漢北失淮淝以長江

為境

文帝初湘州之地為周軍所陷後克平之今鼎溫潭衡等州之地是也

有州四十

有二

地轉狹而州益多

郡百有九縣四百三十有八宣帝太

建中頻年北伐諸將累捷盡復淮南之地

吳明徹斬高齊將于

壽春

更經畧淮北大破齊軍於呂梁及旋師屬高齊亡

又總軍北伐至呂梁周軍來拒又大破之

自太建五年北伐七年

年破齊軍九年又破周將梁士彥悉得于梁淮北城鎮下邳朐山

旋為周軍所敗悲

虜其衆

十年周將王執來伐吳明徹退師全軍沒于清口

自是江北之地盡

入于周復以長江為界

十二年周將以淮西地來降又遣將克新野尋失之

隋軍來伐遣將守狼尾灘

今峽州宜都縣界是公安今江陵府縣是荆

門安蜀地

今峽州夷陵縣界是巴陵今岳州

已下並風靡退散

信州

道大總管楊素自峽中舟師東下東之守將相繼而破信州即今雲安郡歸州是也

隋軍自采

石

隋將韓擒虎襲陷之

京口

賀若弼襲陷之

渡江而平之

六朝建都

南朝建都之地不過建康京口豫章江陵武昌數處其

強弱利害前世論之詳矣吳孫策以會稽為根本大帝  
嗣立稍遷京口其後又嘗住公安又嘗都武昌蓋往來  
其間因時制宜不得不爾及江南已定遂還建鄴保有  
荆揚而魏蜀抗衡其宏規遠畧晉宋而下不能易也故  
孫皓捨建鄴而之武昌吳因以衰梁元帝舍建鄴而守  
江陵梁遂以亡李嗣主舍建鄴而還洪府南唐遂不能  
以立王導斷然折會稽豫章之論而以建鄴為根本自  
晉而下三百年之基業導之力也故孫皓議遷都武昌

陸凱上疏曰武昌土地危險非王都安國養民之處船泊則沈漂陵居則峻危童謠云寧欲建鄴水不食武昌魚寧還建鄴死不止武昌居夫民謠本于天心乃以安居而比死足明天意而知民所苦也蘇峻亂宗廟宮室並為煨燼溫嶠議遷豫章三吳之豪請都會稽二論紛紜未有所適王導曰古之金陵聖皇所居孫仲謀劉玄德皆言王者之宅古之帝王不以豐儉移都苟冠衛文大帛之冠何往不可若不續其麻樂土為墟矣由是嶠

等之議不行齊蕭穎胄議遷夏口柳忱以巴峽未實不宜輕捨根本搖動人心帝不從俄而巴東之兵至峽口遷都之議遂息梁元帝臨荆峽二十年情所安戀不欲歸建鄴故府臣僚皆楚人並欲都江陵周洪正諫曰士大夫言聖王所都本無定處若黔首未見入建鄴便謂猶列國諸王今日副百姓心不可不歸建鄴南唐嗣主用唐鎬計遷豫章而王都官舍軍壘十不容其一二自公卿下至軍士莫不思歸自此論之六朝以來都邑之



議莫不以建康為根本也

## 六朝宮殿

吳孫權遷都建鄴徙武昌宮室材瓦繕治太初宮吳實錄有曰臺城蓋宮省之所寓也有曰東府蓋宰相之所居也有曰西州蓋諸王之所宅也有曰倉城蓋儲蓄之所在也宮室記云皆不出都城之內輿地志云都城二十里一十九步本吳宮址蓋謂是也晉琅琊王渡江鎮建鄴因吳舊都修而居之即太初宮為府舍及即帝位

稱為建鄴宮更明帝不改至成帝繕苑城作新宮窮極  
伎巧侈靡殆甚宋齊而下因之稱為建康宮以此攷之  
六代宮室門牆雖時有改築然皆因吳舊址晉新宮在  
吳太初宮之東吳昭明宮孫皓所起在晉建康宮城西南惟  
元帝建鄴宮乃仍吳太初宮之舊今缺行宮之東北乃  
其地也

太初宮

建康實錄吳孫權黃武中徙武昌材瓦而增起即長沙

王孫策故府在晉建康宮城西南即臺城之西南也

### 建康宮

建康實錄晉成帝咸和七年新宮成名曰建康宮亦名顯陽宮注云即今之所謂臺城也輿地志云在法寶寺之南今在府北五里

### 新宮

晉謝安作新宮造太極殿欠一梁忽有梅木流至石頭城下因取為梁殿成乃畫梅花于其上以表嘉瑞楊修

有詩云玉案金爐對御牀  
歸然應是魯靈光  
螭頭直上雙魚尾  
不讓西京舊柏梁

未央宮長樂宮建章宮長楊宮

南史宋前廢帝景和元年  
以東府城為未央宮  
以石頭城為長樂宮  
以壯邸為建章宮  
南第為長楊宮  
東府城在古青溪橋

金華宮

輿地志云梁大同中所築  
昭明太子蔡妃所居  
在青溪

東

披香殿

楊修金陵詩注云在臺城後宮庾子山賦云宜春苑中  
春已歸披香殿裏作春衣蓋指此也

靈和殿

在臺城內晉武帝時殿下柳本蜀郡所獻條如絲縷帝  
曰此柳風流可愛似張緒少年時緒字思曼楊修有詩  
云得地恩深雨露偏丹墀左右玉堦前君王屬意君知

否好似風流一少年

六朝郊社

終吳之世未暇禮文宗廟社稷不見於史晉初置宗廟  
在吳都城宣陽門外輿地志云在縣東二里圖經云大  
社大稷壇在縣南二里宋齊而下時有改易晉元帝二年  
作南郊在宮城南十五里郭璞卜立之輿地志云在今  
縣城東南十八里圖經云古南郊壇在縣南十八里成  
帝作北郊壇于覆舟山之陽制度一如南郊實錄云北

郊壇在縣東八里潮溝後東近青溪又按通典宋孝武帝大明三年移北郊于鍾山北原道西今鍾山定林寺山巔有平基二所濶數十丈乃其地也南唐郊壇在長樂鄉去縣十二里遺址尚存今為藏冰之所

### 六朝郡國

三國鼎立之後土宇分裂得失不常魏武定霸所置

郡國十二

新興

樂平

西平

新平

畧陽

帶

方

熊

樂陵

章武

南鄉

陰平

襄

陽而省者七

上郡

朔方

五原

雲

文帝置七

朝歌

中

定襄

漁陽

盧江

平弋陽 魏興新城義陽 安豐明及少帝增二上庸 平陽得漢郡者

五十四焉蜀先主於漢建安之間初置郡九巴東 巴西 梓潼

江陽汶山 漢嘉後主增二雲安 興古得漢郡者十有

一焉吳大帝初置郡五臨賀 廬陵 新安 珠崖 武陵少帝景帝各

四臨川 臨海 衡陽 湘東建歸命侯亦置十有二郡

始安始興 邵陵 九德 吳興 東陽安成新昌 武平 桂林 榮陽 宜都得漢郡者

十有八焉晉武太康元年既平孫氏凡增置郡國二十

有三榮陽 頓丘 上洛 臨淮 東莞 襄城 汝陰 長廣 廣寧 昌黎 新野 隨郡 陰平



義陽  
寧浦

毗陵  
始平

宣城  
畧陽

南康  
樂平

晉安  
南平

省司隸置司州

別立梁秦寧平四州仍吳之廣州凡十九

司豫冀兗荆  
徐揚青幽平

并雍梁秦涼  
益寧交廣

郡國一百七十三

仍吳所置二十五仍蜀  
所置十一仍魏所置二

十一仍漢舊九  
十三置二十三

惠帝不君中州盡棄永嘉南渡建鄴

建今

康也開基九州之地有二焉自茲以降國分南北更王迭

霸疆理不常宋至孝武大明中州凡二十有二郡二百

三十有八縣千一百七十有九南齊繼統又置巴東一

郡餘並因之為州二十有三郡三百九十五縣千四百七

十有四頻與元魏侵吞互相得失蕭梁之時多沿舊制天  
監中有州二十有三郡三百五十縣千二十有五其後  
更有析置大同中州百有七郡縣亦稱於此陳氏較之  
土宇彌蹙西不得蜀漢北失淮淝而以長江為境有州  
四十有二是其地愈狹立名益多為郡百有九縣四百  
三十有八此皆疆宇之列乎南者也

六朝保守

晉蔡謨曰時有否泰道有屈伸暴逆之寇雖終滅亡方

其強盛皆當詘而避之要終歸于大濟而已為今之計  
莫若養威以俟時王羲之曰以區區江左營綜如此天  
下寒心久矣中興之業政以道勝寬和為本力爭武功  
非所當作二人者能言之而不得行之行之而足以安  
江南者孫權一人耳陸瑁嘗勸權曰九域盤互之時率  
須深根固本愛力惜費陸遜嘗勸權曰施德緩刑寬賦  
息調權報之曰發調者蓋謂天下未定事以衆濟若徒  
守江東修崇寬政兵自足用何以多為顧坐自守可陋

耳以此知權之志未嘗不在于天下然以傳考之亦未嘗求逞于中國曹公來侵則破之拒之而已治艦立塢築堤遏湖作涂塘明烽燧始終所以脩魏者至矣及移牋于曹公曰足下不死孤不得安則權固未嘗得志也嘉禾中因蜀寇魏一攻淮南聞明帝東行則遽歛避諸將之攻樊城司馬懿救之亦引軍亟退自後世觀之謂之怯可也而權不以為恥豈非天下之勢既未有可投之隙與其力爭而取敗不若退守而待時也耶史稱權

繼父兄之業有臣以為腹心股肱爪牙兵不妄動故戰少敗而江南安此權之所以為智也及嗣主立諸葛恪為政首侵邊以怒敵東興之戰幸捷顧不能持勝復違衆大舉一敗塗地恪既喪軀而孫氏之業因以衰焉則權之兵不妄動利害果何如也其後孫皓用諸將計數侵入晉鄙陸抗曰苟無其時雖復大聖亦宜養威自保不可輕動今不務力農富國審官任能明黜陟慎刑罰訓諸司以德拊百姓以仁而聽諸將徇名窮兵黷武動

費萬計士卒凋弊寇不為衰而我已大病矣夫爭帝王之資而昧十百之利此人臣之姦謀非國家之良策也抗之言兼有陸瑁陸遜蔡謨王羲之之論而皓不之用此其所以亡也東晉自庾亮經營征伐皆不能有成謝安父子乘苻堅傾敗之餘圖之如恐不及也至于渡河入鄴訖無尺寸之得宋文自以富強詰戎兵于元魏道濟再行無功皆諸將以敗繼敗而胡馬遂至瓜步梁武遭魏氏之亂陳慶之以數千兵入洛而嵩高之襲幾至

蠟盡及貪河南之地納叛將棄睦鄰而身國顛覆陳宣  
帝始稍闢土宇于北齊旋失淮泗于後周雖以桓溫劉  
裕非常之才度越歷代諸將而溫伐苻健慕容暉皆幾  
成而敗裕平南燕滅姚秦亦既得而失則六朝用兵攻  
伐之策可見矣

形勢門第二

鍾阜

建康之東餘見寺苑門蔣山寺

圖經云在縣東北周回六十里高一百五十八丈東連

青龍山西臨青溪南自鍾浦下入秦淮北接雉亭山漢  
末有秣陵尉蔣子文逐盜死於鍾山吳大帝為立廟封  
曰蔣侯吳錄云大帝祖諱鍾因改名曰蔣山按丹陽記  
云京師南北並連山嶺而蔣山峒崦嶷異其形象龍實  
作揚都之鎮諸葛亮嘗至京觀秣陵山阜云鍾山龍盤  
蓋謂此也又按輿地志云鍾山本少林木宋時使諸州  
刺史罷職還者栽松三千株下至郡守各有差焉山之  
最高峯地有五願樹樹柞木也宋元嘉中百姓祈禱率



有應驗寮宇記云自梁以前立寺七十所今存者六又按南史宋散騎常侍劉劭經始鍾嶺之南以為栖息聚石蓄水朝士雅素者多從之游又雷次宗元嘉中開館雞籠山文帝為築室于鍾山西巖下謂之招隱館至齊周顒亦于鍾山西立隱舍休沐則歸後顒出為海鹽令孔稚圭作北山移文以譏之舊經云晉謝尚齊朱應吳苞孔嗣之梁阮孝緒劉孝標並隱于此唐大曆中處士韋渠牟亦隱此山號遺名子顏真卿題其所隱之堂曰

遺名先生三教會宗堂又陳後主與張機遊是山嘗以  
松枝代麈尾故梅摯詩有千松缺麈尾之句又按文選

沈休文鍾山應教詩云靈山紀地德險峭資岳靈又云  
勢隨九疑高氣與三山壯蓋美之也荆公絕句云偶向  
松闌覓舊題野人休誦北山移丈夫出處非無意猿鶴  
從來自不知又一絕云澗水無聲遶竹流竹間花影弄  
春柔茅簷相對坐終日一鳥不鳴山更幽又一絕云終  
日看山不厭山買山終待老山間山花落盡山長在山

水空流山自閒今屬惟政鄉去縣十里

石城

建康之西

吳孫權沿淮立柵又於江岸必爭之地築城名曰石頭  
常以腹心大臣鎮守之今石城故基乃楊行密稍遷近  
南夾淮帶江以盡地利其形勢與長干山連接輿地志  
云環七里一百步在縣西五里去臺城九里南抵秦淮  
口今清涼寺之西是也諸葛亮論金陵地形云鍾阜龍  
盤石城虎踞真帝王之宅正謂此也及晉伐吳王濬以

舟師沿江而下自三山抵石城劉夢得金陵懷古曰王  
濬樓船下益州金陵王氣黯然收千尋鐵鎖沈江底一  
片降幡出石頭荒苑至今生茂草古城依舊枕寒流而  
今四海歸皇化兩岸蕭蕭蘆荻秋宋順帝昇明元年以  
司徒袁粲出鎮於此由晉以來常為戰守之地左太冲  
吳都賦云戎車盈于石頭蓋謂此也宋大明中以其地  
為離宮及齊武帝為世子即以為世子宫城之東有巨  
石俗呼為塘岡乃王敦害周伯仁戴若思之處按建康

實錄晉元帝永昌元年敦收周顗戴淵殺於石頭城東塘頽石上百姓寃之至今紀其處至陳宣帝太建二年其城復加修築以貯軍倉後主禎明元年徐孝克為都官尚書性清素常以石頭津稅給之唐武后光宅中徐敬業舉兵使其徒崔洪渡江修石頭以拒之敬業平分軍三百人守之尋置為鎮仍徙縣倉以實之故唐書地理志云并州有石頭鎮中宗神龍二年廢鎮即移倉于治城德宗時浙江觀察使韓滉迺於石頭築五城今遺

址尚在江南野史汪台符上書陳民間九患為宋齊邱  
所沮後齊邱使人夜縛其口沈石城下先主聞而歎之  
江淹侍始安王石頭城詩曰開局遶天邑襟帶

闕

何遜登石頭城詩曰天暮遶山青潮去邊沙出皆謂此也

朱雀航

建康之南

晉咸康二年作朱雀門新立朱雀浮航在縣城東南四  
里對朱雀門南渡淮水亦名朱雀橋輿地志云吳南津  
大航橋也王敦作亂溫嶠燒絕至是始用杜預河橋法

作之地志云朱雀門北對吳都城宣陽門相去六里為御道夾御溝植柳自朱雀門南渡出國門羅鄴金陵野步望宮柳詩云色承陽氣煖陰帶御溝清里俗相傳今桐樹灣相對浮橋即其地也

真武湖

建康之北

按建康實錄吳後主皓寶鼎元年開城北渠引後湖水流入新宮巡遶殿堂窮極伎巧至晉元帝始創為北湖故實錄云元帝大興三年創北湖築長堤以遏北山之

水東至覆舟山西至宣武城又按南史宋文帝元嘉二十三年築壯堤立真武湖於樂遊苑之北湖中亭臺四所後黑龍見于湖側春秋使道士祀之至孝武大明五年常閱武于湖西七年又于此湖大閱水軍按輿地志云齊武帝亦常理水軍于此號曰昆明池故沈約登覆舟山詩南瞻儲胥館北眺昆明池蓋謂此也又于湖側作大竇通水入華林園天淵池引殿內諸溝經太極殿由東西掖門下注城南塹故臺中諸溝水常縈流迴轉



不舍晝夜又按南史元嘉二十三年開真武湖文帝于湖中立方丈蓬萊瀛洲三神山尚書右僕射何尚之固諫乃止今圖經云湖中有蓬萊方丈瀛洲三神山不知何所據也本朝天禧四年改為放生池其後廢湖為田中開十字河立四斗門以洩湖水跨河為橋以通往來今城北十三里有古池俗呼為後湖見作大軍教場處是也

城闕門第三

越城

春秋時越既滅吳盡有江南之地於是築城江上以鎮  
江險圖經云周四二里八十步在秣陵縣長千里後崔  
慧景寇建鄴蕭懿入援自采石濟岸頓越城舉火臺上  
鼓噪相慶茲建康之南也今南門外有越臺與天禧寺  
相對見作軍寨處是也

吳固城

圖經云在溧水縣西南九十里高一丈五尺羅城周回

七里二百三十步子城一百一里九十步勝公廟記吳  
時瀨渚縣也楚靈王與吳戰吳兵不利遂陷此城吳乃  
移瀨渚于溧陽南十里改為陵平縣靈王崩平王立使  
蘇迺為將戰于吳吳軍敗收吳陵平縣自平王聽費無  
忌佞言伍胥奔吳闔閭用為將舉兵破楚奔南海固城  
宮殿逾月煙焰不滅其城遂廢

### 金城

建康實錄金城吳築晉桓溫咸康七年出鎮江乘之金

城後溫壯伐經金城見為琅琊時所種柳皆十圍因歎  
曰木猶如此人何以堪因攀枝執條泣然流涕楊修金  
城詩亦引此為據又按古圖經晉中宗于金城立琅琊  
郡溫嘗為琅琊內史至咸康七年出鎮金城前云琅琊  
蓋指此也今去府城三十五里

### 冶城

今天慶觀即其地也本吳冶鑄之所因以為名寰宇記  
晉元帝太興初以王導疾久方士戴洋云君本命在申

而中地有冶金火相爍不利遂移治城于石頭城東以其地為園徐廣晉記云成帝適司徒府觀治城園即此也

### 琅琊郡城

寰宇記云晉元帝過江為琅琊王國人立也其城在江乘縣界王隱晉書及山謙之南徐州記云江乘南岸蒲洲津有琅琊城并立琅琊內史以治之圖經云在縣東北六十三里今句容縣有琅琊鄉亦其地也又按寰宇

記齊武帝永明六年移琅琊郡于白下在縣北十八里  
圖經直以蒲洲津城為白下非也又按南史武帝永明  
六年于琅琊城講武習水步軍九年又幸其城講武觀  
者傾都梁徐欽業登瑯琊城詩曰表裏窮形勝襟帶盡  
巖巒登陴起遐望回首見長安

建康縣城

吳冶城東今天慶觀東是其地寰宇記云在縣西一里  
晉太康三年分淮水北為建康縣上元之地居多

同夏縣城

南史梁武帝以宋孝武大明元年生于秣陵縣同夏里  
三橋宅及即位大同元年分同夏里為同夏縣寰宇記  
云在城東十五里其地在長樂鄉

白下縣城

按圖經及寰宇記引輿地志云本江乘之白石壘也齊  
武帝以其地帶江之勝移琅琊居之唐武德元年罷金陵  
縣築城于此因其舊名曰白下貞觀七年復舊治此地

遂廢今攷唐書地理志云武德三年更江寧縣曰歸化  
八年更歸化曰金陵九年更金陵曰白下隸潤州貞觀  
九年復更白下曰江寧前說興廢本末與此不同宜以  
唐史為正又按南史齊武帝欲修白下城難于動役劉  
係宗啓謫役在東晉者上從之後武帝講武白下履行其  
地曰係宗為國家得此一城圖經云在西北十四里今  
靖安鎮北有白下城故基父老傳云即此地也屬金陵  
鄉去府城十八里



臨沂縣城

按輿地志云晉成帝咸康三年分江乘縣置臨沂縣隸瑯琊陳亡廢矣在府城北三十里

蔣州城

杜佑通典隋平陳於石城置蔣州橐宇記輔公柘據江東用為揚州唐趙郡王孝恭平公柘又於其城置揚州大都督後徙揚州於廣陵此城遂廢

臺城

建康實錄晉成帝咸和七年新宮成名建康宮注云今  
之所謂臺城也在縣東北五里周回八里又按輿地志  
云同泰寺南與臺城隔路今法寶寺及圓寂寺即古同  
泰寺基故法寶亦名臺城院以此考之法寶圓寂寺之  
南蓋古臺城地也今之基址尚在元和初陸喬家于丹  
陽一夕有叩門者曰我沈約也呼左右召青箱來俄一  
兒至約指謂曰此吾子也近從吾過臺城命為感舊詩  
因諷曰六代舊山川興亡幾百年繁華今寂寞朝市昔

喧闐夜月瑠璃水春風柳色天傷時與懷古垂淚國門  
前楊修有詩云六朝遺跡好山川宮闕灰寒草樹烟江  
令白頭歸故國多情合賦黍離篇

### 檀城

輿地志云本謝玄之別墅太傅謝安與玄奕碁所勝者  
至宋屬檀道濟故名檀城圖經云在縣東八里今按建  
康實錄在墅城東八里非去縣東八里也地圖謂之城子  
墅今清風鄉有城子墅在黃城橋之西卽其地去府城

四十里

石闕

縣北五里有四石闕在臺城之門南高五丈廣三丈六寸梁武帝所造及成朝士銘之時陸倕字佐公其文甚佳士流推伏侯景作亂焚燒宗廟城郭府寺百無一存尋高麗百濟等國入貢見其彫殘遂哭于闕下楊修有詩云雙石巍巍慰眼青滿朝珍重佐公銘宮城府寺俱灰燼翻使夷人謾涕零

朱雀門

晉都城南門也按晉作新宮立三門于南面正中曰宣陽與朱雀門相對王導嘗出宣陽門望牛首山兩峰相向導指為天闕牛首山在今城南門近東面勢正與桐樹灣相對以其地考之今上元左南廂也

白下門

兩漢地里志未有白下縣按南史宋明帝時聞人謂宣陽門為白門以為不祥甚諱之右丞江謐誤犯帝變色

曰白汝家門按唐會要及地理志武德二年更江寧曰  
歸化八年又更歸化曰金陵九年更金陵曰白下貞觀  
九年又更白下曰江寧則白下縣始于此然未知其得  
名之因一說謂春秋時楚使子木之子勝處吳邑為白  
公金陵吳邑也恐白之得名自此始一說謂本江乘縣  
之白石壘以其地帶江山之勝故為城于此曰白下城  
東門謂之白下正其往路也一說謂齊武帝時已闕武  
于白下自唐武德以後因之也荆公東門詩有東門白

下亭之句參寥訪荆公詩曰苦嫌榮祿早收身歸與漁  
樵共隱淪白下門西山迤邐興來長是岸烏巾徐師川  
詩曰廣陵才過又金陵白社還思白下亭鴈翅夾連千  
里浪蛾眉山出兩峯青正謂此也

### 丹陽門

丹陽丹楊丹徒各自有義按前漢志秦鄣郡乃漢丹陽  
郡武帝二年更名也九域志引江南地志云漢丹陽郡  
北有赭山丹赤故因名曰丹陽至東晉始以丹楊為義

按地理志建鄴秣陵丹楊句容溧陽江寧皆隸丹陽郡屬揚州所統注云丹陽山多赤柳在郡西故曰丹楊丹徒春秋時謂之朱方按建康實錄孫權鎮京口注曰秦始皇發赭衣刑徒伐山開道故名邑曰丹徒

樓臺門第四

亭館附

落星樓

圖經在縣東北臨沂縣前吳大帝時山上置三層樓樓高以此為名左太冲吳都賦云饗戎旅乎落星之樓是



也今石步相去一里半有落星墩里俗相傳卽當時建樓處今去城四十里

### 烽火樓

圖經云在石頭城西南最高處楊修詩注云沿江築臺以舉烽燧自建康至江陵五百里有警半日而達按南史宋文帝元嘉二十七年魏太武至瓜步聲欲渡江始議北侵朝士多有不同至是帝登烽火樓極望不悅謂江湛曰北伐之計同議者少今日貽大夫之憂在

予過矣又齊武帝登烽火樓詔羣臣賦詩蕭穎胄詩合  
旨帝謂穎胄曰宗室便不才

景陽樓

輿地志云宋元嘉二十二年築至孝武大明中紫雲出  
景陽樓因名之今法寶寺西南遺址尚存

入漢樓

東晉書云義熙八年于石頭城東起入漢樓在城西門  
外

梁昭明書臺

舊傳梁昭明太子著書于此今遺址尚存將山定林寺後山北高峯上

衛玠臺

晉書云玠字叔寶初字豫章南辭王敦歸建鄴都人聞其姿容觀者如堵尋以疾終年二十七時人謂之看殺  
葬江寧楊修有詩云年少才非洗馬才珠光碎後玉光埋江南第一風流者無復羊車過舊街其臺傳在城南

十里

周處臺

亦名子隱臺

府雒東南有故臺基曰周處臺今鹿苑寺之後梅摯記云按西晉史處字子隱義興陽羨人弱冠時好馳騁不修細行州曲患之自知為衆所惡慨然有激勵之志里人以三害切諷於是射虎斬蛟往見陸雲具以誠告曰古人學道貴朝聞夕死君前途尚可第患志之不立何憂名之不彰遂退而嚮學有文言必信行必謹如是期

年州府交辟仕吳為東觀左丞吳平入洛累遷郡太守  
率有善狀拜御史中丞凡所糾劾不避權貴卒樹功名  
沒世遠耀噫天地至大根一氣陶萬化未始無過陰陽  
寒暑小有繆戾則從而改之卒歸大順而況于人乎古  
聖賢本天地之性以修其性亦未嘗諱過後之人不獨  
諱之而已抑又從而文之自底悔尤良可嗟惜惟子隱  
少而不逞長乃自悟一旦幡然去惡即善遂為名世忠賢  
可不重乎則中人所稟因物染遷為時詿誤德有小青

言有小疵未甚子隱之害于其鄉又何憚改為哉予因來  
是臺新是堂非止卜高明之居也包遊覽之勝而與民同  
樂亦將有激時世云

九日臺

南史齊武帝永明四年四月作商飈館于孫陵岡世呼  
為九日臺十道四蕃志云武帝九月九日以宴羣臣孫  
陵岡即吳大帝蔣陵今在鍾山鄉蔣廟之西南俗呼為  
松陵岡去縣十二里楊修有詩云甲光如水戟如霜御

酒杯浮菊半黃東日西風滿天仗簫韶一部奏清商

雨花臺

梁武帝時有雲光法師講經于此感得天雨賜花天厨  
獻食荆公有詩云盤直長干有絕陁并包佳麗入江亭  
新霜浦溆綿綿靜薄晚林巒往往青楊無為有詩云空  
書來震旦康樂造淵微貝葉深山譯曼花半夜飛香清  
雖透筆藥散不需衣舊社白蓮老遠公應望歸

新亭

晉初元帝渡江僕射周顗與羣臣遊宴坐中歎云雖風  
土不殊舉目有江山之異因而流涕王導曰諸公當須  
戮力中原以壯王室何為作楚囚悲邪衆皆肅然整容  
宋孝武即位于新亭僕射王僧達改為中興亭城南十  
五里俯近江渚楊修有詩云滿目江山異洛陽北人懷  
土淚千行不如亡國中書令歸老新亭是故鄉

五馬亭

晉元帝與彭城王玄西陽王羨南頓王宗汝南王宏南



渡之後當時識云五馬浮渡江一馬化為龍謂此也亭  
今廢其地屬金陵鄉去城西二十五里幕府山之側

賞心亭

丁晉公建也公以家藏袁安卧雪圖張于其屏乃唐周  
昉筆經十四太守無敢覬覦者後為一太守以凡筆畫  
蘆鴈易之王琪密學來作守登臨賦詩曰千里秦淮在  
玉壺江山清麗壯吳都昔人已化遼天鶴舊畫難尋卧  
雪圖冉冉流年去京國蕭蕭華髮老江湖殘蟬不會登

臨意又噪西風入坐隅荆公有詩云檻折簷傾野水傍  
臺城佳氣已消亡誰披草莽尋千古獨倚青冥望八荒  
坐覺塵沙昏遠眼忽看風雨破驕陽扁舟此日東南興  
欲望江流萬里長又詩云霸氣消磨不復存舊朝臺殿  
只空村孤城倚薄青天近細雨侵尋白日昏稍覺野雲  
成晚霽却疑山月是朝暾此時江海無窮興醒客無言  
醉客喧

白下亭

李白金陵白下亭留別詩云驛亭三楊樹正當白下門  
王荆公有詩云東門白下亭摧壁蔓寒葩則亭在東門  
明矣荆公舊宅在今報寧寺故基其詩有門前秋水可  
揚舠有意西尋白下亭之句今廢矣

### 東冶亭

晉太元中於汝南灣東南置亭為士大夫餞送之所楊  
修有詩曰忍淚相看酒共持一生心事幾人知年年折  
盡東亭柳此別綿綿無盡期舊傳在縣東八里

翠微亭

城西五里清涼寺山頂南唐時建林逋有詩云亭在江  
干寺清涼更翠微陳軒金陵詩集註云清涼寺翠微亭  
最為佳處

三山亭

城西五里清涼寺石頭城之西面對三山其地屬金陵  
鄉

儒學館

南史宋文帝元嘉十五年立儒學館于北郊命雷次宗居之即今覆舟山之南也

湯泉館

徐鉉有湯泉舊館詩今遺基尚存在神泉鄉湯山之下

儀賢堂

建康實錄吳時造號為中堂楊修詩注云在臺城內梁武帝謙恭待士大通中有四人來年七十餘鵜衣躡履行巧經年無人知者帝召入儀賢堂給湯沐解御服賜

之帝問三教九流及漢舊事了如目前帝心異之舉朝  
無識者惟昭明太子識而禮重之四人喜揖昭明如舊  
交時目之為四公子楊修有詩云兩兩鵝衣白髮翁講  
筵談柄坐生風昭明太子歡相得應與商山四皓同

祓禊堂

楊修金陵詩注云在縣北五里臺城內天淵池中架石  
引水為流杯之所六朝上巳日宴錫公卿于此輿地志  
云宋元嘉二十二年鑿天淵池造景陽樓今法寶寺之

南有景陽樓古基側有池舊傳即天淵池歲久湮沒今  
不復有堂矣

聽箏堂

晉元帝幸謝安宅命讌安侍坐使桓伊吹笛為一弄畢  
又撫箏按金縢曲聲伊慷慨俯仰可觀安淚下霑襟  
乃越席捋其鬚曰使君子此不凡帝甚有媿色此堂基  
至今樵采者不敢近楊修詩云鴈柱鸞絃十有三南山  
安石位巖巖遂巡奏罷金縢曲堂上霑襟嘆不凡

蠶室

隸縣北七里耆閭寺前沙市中六朝皇后親蠶之所也  
楊修詩云摘繭抽絲女在機茅簷葦箔雋堂靡年年桑  
柘如雲綠翻織誰家錦地衣

三閣

陳後主至德二年於光昭殿前起臨春結綺望仙三閣  
高數十丈並數十間其牕牖戶壁欄檻之類皆以沈檀  
為之又飾以金玉間以珠翠外施珠簾內設寶帳其服



玩之屬瑰麗皆近古所未有每微風至香聞數里朝日

初照光映後庭其下積石為山引水為池植以奇樹雜

以花藥後主自居臨春閣張麗華居結綺閣

麗華本兵家女以織

蒔為業

龔孔二貴妃居望仙閣並複道交相往來以宮人

有文學者袁大捨等為女學士後主每引賓客江揔等

對貴妃遊宴則使諸貴人及女學士與狎客賦詩互相

贈答采其尤艷麗者以為詞被以新聲采宮女有容色

者千百數習而歌之分部迭進持以相樂其曲有玉樹

後庭花臨春樂等麗華聰慧有神采嘗于閣上靚粧臨  
于軒檻宮中遙望飄若神仙才辯強記善候人顏色薦  
諸宮女後宮咸德之又工厭魅之術假鬼道以惑後主  
置淫祀于宮中聚諸女巫使之鼓舞時後主怠於政事  
百官啓奏並因宦者蔡臨兒李善度進請後主每置張  
麗華于膝上共決之大臣有不從者因而譖之言無不  
聽於是張孔之權熏灼四方内外交結貨賄公行賞罰  
無常綱紀胥亂矣及隋軍克臺城二妃與後主俱入井

隋軍出之晉王廣命斬之于青溪柵下北史高穎傳隋  
平陳晉王廣欲納張麗華穎曰武王伐紂戮妲己今陳  
平不宜取麗華乃命斬之當以北史為正

### 馳道

宋孝武帝作馳道自閭闔北出承明抵玄武湖十餘里  
為調馬之所也楊修有詩云路平如砥直如絃官柳千  
株拂翠煙玉勒金羈天下駿急于奔電更揮鞭

### 齊雲觀

陳後主禎明二年建在臺城內國人歌曰齊雲觀寇來  
無際畔楊修詩云上界笙歌下界聞縷金羅袖鬱金裙  
倚欄紅粉如花面不見巫山空暮雲

層城觀

亦名穿針樓

輿地志云齊武帝七月七日使宮人集此是夕穿針以  
為乞巧之所亦曰穿針樓在臺城內楊修有詩云秋星  
如彈月如梳宮妓香添乞巧爐萬縷千針同一意眼穿  
腸斷得知無

桂林苑

寰宇記云桂林苑在縣北落星山之陽左太冲吳都賦云數軍實乎桂林之苑即此地也

樂遊苑

輿地志云在晉為樂園宋元嘉中以其地為北苑更造樓觀後改為樂遊苑宋孝武大明中造正陽林光殿于內侯景之亂焚毀畧盡陳天嘉六年更加修葺陳亡遂廢又按實錄宋文帝元嘉十一年三月禊飲于樂遊苑

會者賦詩顏延之為序南史梁大通三年武帝幸樂遊

苑時新造兩刀稍

山卓切

成帝因賜羊侃河南國紫騮馬

試之侃執稍上馬左右擊刺特盡其妙觀者登樹樹俄而折因號其稍為折樹稍及陳宣帝即位北齊使常侍李駒駉來聘賜宴樂遊苑尚書令江總作詩以贈之衆字記云其地在覆舟山南去縣六里

上林苑

南史宋孝武大明三年於真武湖北立上林苑建康實

錄云在縣北十三里有古池俗呼為飲馬塘楊修詩注云其苑連雞籠山在縣北七里

### 芳林苑

寰宇記云芳林苑一名桃花園本齊高帝舊宅在府城之東秦淮大路北武帝永明五年嘗幸其苑禊宴王融曲水詩序云載懷平浦乃眷芳林蓋此也又按南史齊時青溪宮改為芳林苑梁天監初賜南平元襄王為第益加穿築果木珍奇窮極雕靡命蕭子範為之記蕃邸

之盛無過焉

芳樂苑

齊東昏侯方在位時與宮人於閱武堂元會皇后正位  
闈人行儀帝戎服臨視又于閱武堂為芳樂苑窮奇極  
麗多種樹木日與潘妃放恣褻瀆不可言明帝崩竟不  
一日蔬食居處衣服無改常潘妃生女百日而亡制斬  
衰杖經衣悉粗布羣小來弔盤旋地坐舉手受執疏膳  
積旬不聽音樂左右直長閹豎等共營肴羞為天子解



菜又于苑中立店肆模大市日游市中雜所貨物與宮人閭豎共為裨販以潘妃為市令自為市吏錄事將鬪者就妃罰之帝小有得失潘則杖又開渠立埭躬自引船埭上設店坐而屠肉于時百姓歌云閱武堂種楊柳至尊屠肉潘妃酤酒

江河門第五

溝渠溪井附

大江

西接江寧界東接句容界北接真州六合縣界沿流一

百二十里按三國志吳書魏文帝有渡江之志徐盛從建鄴築圍上設假樓江中浮船文帝到廣陵望圍愕然彌漫數百里而江水盛長便引退文帝嘆曰魏雖有武騎千羣無所用也又按江南野史周世宗問孫忌江南虛實忌曰長江千里險過湯池可敵十萬之師世宗聞而忌之

秦淮

秦始皇東巡會稽經秣陵因鑿鍾山斷金陵長隴以疏

淮或云斷金陵長隴乃方山也

其淮本名龍藏浦上有二源一源發

自華山經句容西南流

華山在句容縣界高九里似蔣山

一源發自東

廬山經溧水西北流入江寧界

東廬山在溧水縣東南十五里高六十八丈周

回二十里山西一源入秦淮

二源合自方山埭西注大江其分派屈

曲不類人功疑非秦皇所開而後人因名秦淮者以鑿方山言之楊修詩曰一氣東南王斗牛祖龍潛為子孫憂金陵地脈何曾斷不覺真人已姓劉

直瀆

吳後主孫皓所開隸鍾山鄉去縣三十五里西至霸埂東北接竹港流入大江楊修詩注云瀆在幕府山東北長十四里濶五丈深一丈初開之時晝穿夜復自塞經年不就傷足役夫卧其側夜見鬼物來填因嗟嘆曰何不以布囊盛土棄之江中使吾徒免殫力于此傷者異之曉白有司如其言乃成瀆道直故名曰直瀆輿地志曰白下城西南蟹浦浦西北有直瀆伏滔北征記云吳將甘寧墓在此俗云墓有王氣孫皓惡之乃鑿其後為直

瀆又按晉書蘇峻舉兵溫嶠帥師救京師遣王愆鄧期  
兵為前鋒次直瀆即此地也楊修有詩曰晝役人功夜  
鬼功陽開陰闔幾時終不聞擲土江中語爭得盈流一  
水通

### 橫塘

吳大帝時自江口沿淮築堤謂之橫塘楊修有詩云早  
潮纔過晚潮來一一軒窓照水開鑑面無塵風不動分  
明倒影見樓臺

青溪

建康實錄吳赤烏四年冬鑿東渠名為青溪寰宇記云  
青溪在縣東六里濶五丈深八尺以洩真武湖水輿地  
志云青溪發源鍾山入于淮連綿十餘里溪口有埭埭  
側有神祠曰青溪姑今縣東有渠北接覆舟山以近後  
湖里俗相傳此青溪也其水迤邐西出至今上水閘相  
近皆名青溪陶季直京都記云京師鼎族多在青溪埭  
尚書孫瑒尚書令江總宅當時並列溪北又南史齊永

明元年望氣者言新林婁湖有王者氣帝廼築青溪舊  
宮作新婁湖苑以厭之又實錄云郗僧施泛舟溪中每  
經一曲作詩一首隋煬帝平陳斬張麗華孔貴妃二人  
于此柵下楊修有詩云傾城傾國兩妃嬪此地聞名不  
見人潛想舊時紅粉面落花風裏步香塵

### 潮溝

輿地志潮溝吳大帝所開以引江潮建康實錄云其址  
又開一瀆北至後湖以引湖水今俗呼為運瀆其實自

古城西南行者是運瀆自歸蔣山寺門前東出至青溪者名潮溝其溝向東已湮塞西則見通運瀆按實錄所載皆唐事距今數百年其溝日益湮塞未詳所在今府城東門外西抵城濠有溝東出曲折當報寧寺之前里俗亦名潮溝此近世所開非古潮溝也

霹靂溝

王荊公詩云霹靂溝西路柴荆四五家憶曾騎款段隨意入桃花在城東五里



北渠

吳後主引北湖水入宮城巡遶堂殿極機巧費役萬工  
楊修有詩云金殿分來玉砌流黑龍湖撒鳳池頭後庭  
花落恩波斷翻與南唐作御溝在城北二里

蟹浦

輿地志云白下城西南有蟹浦源出鍾山北流九里入  
大江在城西北十六里

覆杯池

晉元帝中興頗以酒廢政丞相王導奏諫帝因覆杯于  
池中以為誠楊修有詩云金杯覆處舊池枯此後還曾  
一醉無東晉中興股肱力元皇亦學管夷吾今城壯三  
里西池是也

落义池

蔣山寶公塔之東悟真菴前舊傳迦毗羅神隋梵僧密  
多至此與神交戰落义于此池因以得名

三巖石

臺城內千福禪院本梁同泰寺後吳順義二年置院前有醜石四各高丈餘又三巖山西有白蓮閣閣下有小石池面方一丈餘言是陳時景陽井今有古石井欄其上本鐫刻文字悉已殘毀惟戒哉二字可辨今名法寶院楊修有詩曰蘿蔓藤花歲自添露痕還似雨痕霑莫將廢苑為閒地猶可巖巖使具瞻

邀笛步

舊名蕭家渡在城東南青溪橋之右今上水閘是也晉

書云桓伊善樂盡一時之妙為江左第一有蔡邕柯亭  
笛常自吹之王徽之赴召京師泊舟青溪側伊素不與  
徽之相識自岸上過船中客稱伊小字曰此桓野王也  
徽之令人諭之曰勝聞君善吹笛為我一奏伊是時貴  
顯素聞徽之名便下車踞胡牀為作三調弄畢便上車  
去客主不交一言故今名為邀笛步也

迎擔湖

南徐州記云費縣西北八里有迎擔湖昔晉永嘉中元

帝南遷衣冠席卷過江客主相迎湖側遂以此為名在府西北五里石城後其湖溉田三十里

### 太子湖

吳宣明太子孫登所創謂之西池晉元帝即位明帝為太子更加修之多養武士於池內築土為臺時人呼為太子西池建康實錄云晉太元十年夏四月苻堅為姚萇慕容沖所迫遣使求救詔太保謝安率衆救秦帝自行西池在城北六里周回十里

蘇峻湖

南徐州記云迎擔湖西北有蘇峻湖本名曰石陂建康  
實錄晉成帝咸和二年初蘇峻舉兵于石頭陶侃溫嶠庾  
亮陣于白石使將軍楊謙攻于石頭峻輕騎出戰謙詐  
奔白石壘峻逼之纔交鋒峻墜馬侃督護李陽臨陣斬  
峻于白石陂岸至今呼此陂為蘇峻湖在城北十五里  
周回十里

半陽湖

輿地志云江乘縣南有半陽泉半冷半熱又南徐州記云江乘縣南有半陽泉半冷半熱熱處可爛物冷處如水熱處魚入冷處即死冷處魚入熱處亦死民種稻則溉熱水一年再熟今廢楊修有詩云江南龍節水為鄉水不絕陰又半陽一片湖光共深淺兩般泉脈異溫涼在城東北四十里周回十五里

絳巖湖

圖經云在句容縣西南三十里源出絳巖山周回二十

里溉田一百頃舊收歲課錢二百二十貫咸平三年正月奉敕除放

固城湖

圖經云水路在溧水縣南九十五里東西二十五里南北三十里有四派東經五堰經常州宜興縣界入太湖

丹陽湖

圖經云在溧水縣西八十里與太平州當塗縣分界昔唐李太白常遊此湖酷愛其景乃張帆載酒縱意往來



而作詩曰湖與元氣連風波浩難止天外賈客歸雲間  
片帆起龜遊蓮葉上烏宿蘆花裏少婦棹輕舟歌聲逐  
流水

溧陽湖

圖經云在本縣西北四十里曹姥山西經溧水縣東流  
入縣界又南流三十里入長塘湖一名瀨水吳越春秋  
云伍子胥奔吳至瀨渚遇女子因跪乞食女食之授以  
壺漿誠曰勿言既濟女已投水後子胥伐楚還投金于

瀨水以報之須臾有嫗行哭而來曰吾女三十不嫁遇窮人食之投水而死乃取金以歸水次有碑李太白文

五馬渡

圖經云在縣西北二十三里幕府山之前晉元帝與彭城等五王渡江處按晉書太安之際童謠云五馬浮渡江一馬化為龍及永嘉中元帝登大位乃其符云五馬之名取此

桃葉渡

圖經云在縣南一里秦淮口桃葉者晉王獻之愛妾名也其妹曰桃根獻之詩曰桃葉復桃葉渡江不用楫但渡無所苦我自迎接汝不用楫者謂橫波急也嘗臨此渡歌送之楊修有詩云桃葉桃根柳岸頭獻之才調頗風流相看不語橫波急艇子翻成送莫愁

### 麾扇渡

圖經云在縣東南四里故朱雀航之左晉廣陵相陳敏反南渡江時假顧榮丹陽內史榮發舟南岸敏率衆萬

餘人出不獲濟以白羽扇麾之其軍遂自潰因以為名也楊修有詩云旌旗爍日刃凝霜甲光如龍人似狼羽扇一麾風偃草策勲多謝顧丹陽

白鷺洲

圖經云在城西南八里周回十五里對江寧之新林浦唐李白詩云三山半落青天外二水中分白鷺洲

長命洲

梁武帝放生之所也在石頭城前帝日市鷺鴨雞豚之

屬放此洲名為長命洲置戶十家常以粟穀餵飼歲各  
千石而為狐狸所食及掌戶竊而烹者各半輿地志魏  
使李恕來聘帝時於此放生問恕曰北主頗知此事乎  
對曰魏國不殺亦不放帝無以應之楊修詩曰梁武慈  
悲不鼎烹蒙恩豢養亦虛名狐狸口腹應潛飽就死多  
于日放生

葛仙丹井

仙公葛玄煉丹井也按建康實錄吳大帝好道術玄嘗

與遊處後玄白日昇天其井尚存外有石欄相傳云南  
唐所造今去城四十里方山頂上是也

景陽井

亦名胭脂井

臺城中景陽宮井也按南史隋克臺城陳後主與張麗  
華孔貴妃俱入井隋軍出之故杜牧之詩云三人出簪  
井謂此也其井有石欄上多題字舊傳云欄有石脈以  
帛拭之作胭脂痕或云石脈之色類胭脂故云圖經不  
載楊修有詩云擒虎戈矛滿六宮春花無樹不秋風倉

惶益見多情處同穴甘心赴井中唐李白金陵歌曰石  
頭巉巖如虎踞凌波欲過滄江去鍾山龍盤走勢來秀  
色橫飛歷陽樹四十餘帝三百秋功名事跡隨東流白  
馬小兒誰家子太清之歲來關囚金陵昔時何壯哉席  
卷英豪天下米冠蓋散為雲霧去金輿玉座成寒灰扣  
劍悲吟空咄嗟梁陳白骨亂如麻天子龍沈景陽井誰  
歌玉樹後庭花此地傷心不能道目下離離長春草送  
爾長江萬里心他年來訪商山皓

應潮井


蔣山頭陀寺中塔記云梁大同元年後閤舍人石興造  
山頂第一峯佛殿後有一井泉與江潮盈縮增減相應  
楊修詩云碧甃時時減復增山頭海面密相應古來泉  
脈誰穿鑿潮落潮生不暫澄

藏水井

覆舟山上有凌室乃六朝每歲藏水于此也楊修詩云  
尤喜凌人職未隳閉藏出納示歲規戰兢國步艱難者



常似臨深履薄時在城東壯十里



六朝事迹編類卷上